

OKVIRNI SPORAZUM

Za nabavku roba – LOT 2 – nabavka dječije hrane (hrana za bebe)

Zaključen između:

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, Bjelave 52, koju zastupa direktor Saudin Đurđević / u daljem tekstu: **Naručilac** /
i
2. **JU “Apoteke Sarajevo”** sa sjedištem u Sarajevu, ul. Saliha Hadžihuseinovića Muvekita 11, koju zastupa direktor Sait Muradić / u daljem tekstu: **Dobavljač** /

1. UVOD

Član 1.

Na osnovu provedenog postupka javne nabavke roba – **Lot 2 – nabavka dječije hrane (hrana za bebe)** Ugovorni organ je Odlukom broj: 214-3/17 od 31.01.2017.godine odabrao ponudu Dobavljača broj 01-03-105/17 od 25.01.2017. godine kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

2. PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je regulisanje međusobnih kupoprodajnih odnosa za nabavku **dječije hrane (hrana za bebe)** za potrebe Naručioca, prema tenderskoj dokumentaciji i ponudi Dobavljača te uslovima utvrđenim tenderskom dokumentacijom i ovim Okvirnim sporazumom, u skladu sa potrebama Naručioca.

Ovaj Okvirni sporazum se sklapa **na period od 1 /jedne/ godine dana počevši od 10.02.2017. god. do 10.02.2018. godine** i predviđa sa ciljem realizacije isporuke roba tokom perioda ugovorenog ovim Okvirnim sporazumom.

U okviru zaključenog okvirnog sporazuma Ugovorne strane mogu zaključivati posebne ugovore o kupoprodaji ili isporuku predmeta nabavke vršiti po potrebi Naručioca, na osnovu dostavljene narudžbenice koja ima sve elemente ugovora, a u skladu sa uslovima definisanim ovim sporazumom.

3. CIJENA

Član 3.

- Ukupna vrijednost ovog okvirnog sporazuma (bez PDV-a) iznosi :
6.526,00 KM,
- PDV (17%) iznosi: 1.109,42 KM,
- Ukupna vrijednost ovog okvirnog sporazuma sa PDV-om i uključenim popustom iznosi:
7.635,42 KM,

Cijene su fiksne i ne mogu se mijenjati za vrijeme važenja okvirnog sporazuma.

Paraf za dobavljača: D. Muradić

Paraf za naručioca: Ad



4. USLOVI PROVEDBE OKVIRNOG SPORAZUMA

Član 4.

Cijene za svaku nabavku moraju odgovarati cijenama istaknutim u ponudi Ponuđača iz člana 1. stav 1. ovog Okvirnog sporazuma i moraju biti nepromjenjive.

Član 5.

Dobavljač se obavezuje da će početi sa isporukom odmah po sklapanju ovog Okvirnog sporazuma na zahtjev Naručioca.

Isporuka roba će se vršiti sukcesivno /dnevno, sedmično ili mjesečno/ prema zahtjevima i potrebama Naručioca u roku od 24 sata od dana ispostavljanja narudžbenice.

Mjesto isporuke roba je sjedište Naručioca ul. Bjelave broj 52. Općina Centar – Sarajevo.

Član 6.

Naručilac će vršiti plaćanje na osnovu ispostavljenih faktura Ponuđača.

Naručilac će izvršiti plaćanje fakture iz stava 1. ovog člana u roku od 60 /šezdeset/ dana od dana dostavljanja ispravne fakture.

Dobavljač je saglasan da Naručiocu neće zaručavati zatezne kamate za zakašnjenje pri plaćanju po sistemu trezorskog sistema plaćanja Ministarstva finansija Kantona Sarajevo, ako je naručilac u ugovorenom roku predao nalog za plaćanje.

Član 7.

Pri sklapanju ugovora o javnoj nabavci ugovorne strane ne smiju mijenjati bitne uslove ovog Okvirnog sporazuma.

5. OBAVEZE I ODGOVORNOST DOBAVLJAČA

Član 8.

Dobavljač se obavezuje izvršavati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom, te važećim pravilima i standardima za predmetnu nabavku.

Dobavljač se obavezuje čuvati sve podatke i materijale dobivene po osnovu ovog Sporazuma i neće ih otkrivati i davati na upotrebu trećim licima.

6. OBAVEZE NARUČIOCA

Član 9.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba, Naručilac se obavezuje odmah po uočavanju propusta dati Dobavljaču prigovor u pisanoj formi.

Paraf za dobavljača: _____

Paraf za naručioca: _____



7. RASKID OKVIRNOG SPORAZUMA

Član 10.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

8. RJEŠAVANJE SPOROVA

Član 11.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

9. SASTAVNI DIJELOVI OKVIRNOG SPORAZUMA

Član 12.

Sastavni dijelovi Okvirnog sporazuma su :

- Ponuda Dobavljača broj: 01-03-105/17 od 25.01.2017. godine

10. STUPANJE NA SNAGU I PRIMJENA OKVIRNOG SPORAZUMA


Član 13.

Ovaj Okvirni sporazum stupa na snagu danom obostranog potpisivanja, a primjenjivat će se u periodu 10.02.2017. god. do 10.02.2018.godine.

Član 14.

Okvirni sporazum je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

NARUČILAC:
Kantonalna javna ustanova
Dom za djecu bez roditeljskog staranja



Saudin Đurđević, direktor

Broj: 295-1/17
Datum: 10.02.2017.

DOBAVLJAČ:
JU „APOTEKE SARAJEVO“


Direktor

Broj: 01-03-216/17
Datum: 13.02.2017.godine

Paraf za dobavljača: 

Paraf za naručioca: 